

21
311

QUÆSITA SATISFACTIO

FIDEI ET DOCTRINÆ,

Oblata omni poscenti secundum

DECLARATIONEM

Circa Articulos Doctrinæ in Belgio Controversæ,

P E R

EX. D. J. L. H E N N E B E L, S.T.D.

Postulabat Irenæus Philaletes.

PACEM & VERITATEM *diligite, ait Dominus omnipotens.*



ANNO MDCCI.

*Oportet non tempori accommo-
dare sermones, sed rectam
semper & nusquam inflexam
veritatis servare normam.*

Theodoret. Epist. 135.

Vix quidquam solet esse inimicius *veritati*, atque *pax* coalescens conventionem ambigua, distortis, fallacibus, aut obscuris terminis, ac propositionibus ad politicum concentum potius, fucatanque concordiam, quam ad fideliem sinceramque unionem excogitatis. In hoc genere nobis numeranda videtur pax adumbrata per *Declarationem* D. J. L. Hennebel, S. T. Doctoris: quæ non (ut præfertur) Belgicæ Ecclesiæ sedandæ idonea, sed magis apta videtur tum veteribus enutriendis irritandisve dissidiis, tum novis etiam invectendis. Veritas candida, una, simplex, & indivisa est: ac sicut illius amans neque ad dexteram neque ad sinistram declinat; sic neque, ducto in utrumque latus aratro, glebas dexteræ & sinistræ, simul cum subverso calce regio, conglomerat & confundit. Nam (ut & hoc obiter moneam) in Scripturis per dexteram ac sinistram non intelliguntur viæ dexteræ & sinistræ, quasi inter vias obliquas binas via veritatis sit *via media* (quemadmodum voces illas à quodam amanuensi Episcoporum Belgii præposterè * acceptas vidi) sed dextera ac sinistra juxta Litterarum sanctarum idioma pro lateribus sumi debent: quæ non tamquam vias, sed tamquam avia & invia, aut zizaniis ac tribulis obsita, considerare oporteat & vitare. Ne igitur veritatis cupidus à via illa, non media, sed plana ac recta unica, per *Declarationis* speciosam compositionem propositi, digredi & aberrare contingat; visum fuit ipsius *Declarationis* declarationes magis uberes, sive rationem fidei & doctrinæ, pro addicto urbanitatis officio, hac (cedula volanti poscere. Quod ut ad intelligentiam Tyronum Theologiæ commodius ac reapse etiam accuratius fiat; ipsam *Declarationem*, qualis ab Oratore Lovaniensi coram Sede Apostolica in Urbe exhibita, atque hic (ut audio) ad viros optimates Ecclesiæ ac Reipublicæ, velut quædam pacis incundæ tessera, missa fuit, illibatam & integram Lectori representabo; atque ad singulos Paragraphos quæsitæ meæ verbis brevibus quanta potero perspicuitate aperiam.

DECLARATIO circa Articulos Doctrinæ in Belgio controversæ,

per Ex. D. J. L. HENNEBEL, S. Th. Doct.

Die 10. Septemb. 1700. coram Sede Apostolica in Urbe exhibita.

EMIN. AC REV. DOMINI.

Exponit humillimè Joannes Libertus Hennebel Academia Lovanien-
A fis

* In Decreto circa administrationem Sacramentorum &c. dato Bruxellis 23. Apr. 1697.

*sis Doctor &c. quod cum innotuerit, post exhibitum nuper coram Emi-
nentiis Vestris Memoriale ad procurandam Belgicarum Ecclesiarum pa-
cem, esse tum in Urbe, tum in Belgio, qui ampliorem aliquam & ex-
pressiorem doctrina nostra declarationem desiderent, quod & significant
quorundam Scripta contra idem Memoriale non ita pridem sparsa; visum
fuit Belgis Theologis, quorum hic partes agit Orator, illorum etiam de-
siderio ac voluntati obsequi, utpote qui non tantum Sedi Apostolicae, SED
& OMNI POSCENTI ILLOS RATIONEM DE EA, QUÆ IN IPSIS EST FI-
DE, & DOCTRINA, SATISFACERE PARATI SINT. Quare apertam hanc
circa controversias in Belgio agitas mentis suae Declarationem coram Se-
de Apostolica emittunt, exemplum sequuti Facultatis Theologicae Lovani-
ensis, qua anno 1677. per suos Deputatos eidem S. Sedi Articulus Scho-
lae suae de rebus tunc controversis reverenter exhibuit, ejusque judicio humil-
limè subjecit.*

Acceptamus in hoc Paragrapho oblatae ultro laudabilis humanitatis,
quam-quam pro Theologicae scientiae Magistris nec indebitae omnino
praestationis obsequium; & rationem de ea, quae Declarationi inest, fide &
doctrina, pro nostra inscientia flagitabimus.

DECLARATIO.

I. **A**C primum, ut constat de illorum obedientia ac reverentia erga S.
Sedem, iterum obedientes ac reverenter sese subjiciunt Constitutioni-
bus, & Decretis Apostolicis Summorum Pontificum Pii V. Gregorii XIII.
Urbani VIII. Innocentii X. Alexandri VII. Innocentii XI. Alexandri
VIII. omnesque ac singulas propositiones in iis damnatas, prout eas Apo-
stolica Sedes damnat, rejiciunt pariter, ac damnant.

Quæritur ergo: Quousque se illa extendat, inclinet, ac subjiciat obe-
dientia? utrum V. G. Orator Propositiones omnes & singulas, Pia-
na ac Gregoriana Constitutione contentas, dignè censurâ flagellatas
existimet? & quo sensu? obvio vel non obvio? aut fortassis aliquo inter
utrumque medio? Si in sensu obvio; rogamus illum sensum, aut quem-
cumque demum alium damnatione dignum, nobis pandi V. G. circa Pro-
positiones has: *Liberum arbitrium sine gratiae Dei adjutorio non nisi ad
peccandum valet. Deus non potuisset ab initio talem creare hominem,
qualis nunc nascitur.*

Circa Bullam Urbani quaeritur: Utrum contra sententiam Majorum
suorum serio credat perillultram Jansenium revera peccasse in Bullam Pau-
li V. adeoque fundamento solido Urbani Constitutio nixa fuerit? Si id cre-
dat, det rationem fidei: videlicet an teneat eandem Bullam legitime in Bel-
gio

gio publicatam? vel, tamen illi nec publicatam nec receptam, tamen in conscientia obligasse? Item quæritur: Utrum in dubitationem vocet celebre illud instrumentum juratum Ex. D. Joannis Sinnichii: e quo patet, Bullam Urbani non modo *sub* vel *opreptiæ* (ut vocant) sed etiam depravatæ, & temerante manu, fuisse ab Albilio concinnatam.

Circa Bullam Innocentii X. vicissim gestiremus ab Oratore intelligere sensum obvium, in quo Propositiones famolas condemnare oporteat: ne charitatem quidem in intentione habentes, sed in electione veritatem non assecuti, cæcâ obedientiâ contingat nos impingere in legem Dei. Sed de hoc mox uberius.

Ad Bullam Alexandri septimi hæc quæstio sit: Utrum alio principaliori fine eam emanatam credit, quam ad asserendum Factum Jansenianum: id est: quinque Propositiones ex libro Jansenii, cui titulus est Augustinus, excerptas fuisse, & in sensu per eundem Jansenium intento damnatas? Utrum credat, Factum istud subesse? & si non credat, rogamus exacte definiri, quid sibi velit, & quousque se addicta porrigat *obedientiâ*: nam *reverentiam* utcumque capimus.

Circa Decretum Alexandri VIII similiter quærimus: Utrum Propositiones illius omnes ac singulas debite proscriptas autumet? & si ita, ut assignet sensum proscriptione illa dignum Propositionum V. G. 2. 7. 8. 12. 16. 31.

Denique postulamus nobis declarari intellectum istius periodi: *prout eas Apostolica Sedes damnat*: Utrum videlicet ille damnationis modus unus idemque sit cum damnatione sensus obvii quem ipsa-met Propositionum verba præ se ferunt? An vero sufficiat ad absolutam damnationem, quod Propositiones illas Apostolica Sedes damnaverit quocumque modo; adeoque an admittat auctoritatem in Constitutionibus ac Decretis ejusmodi condendis, & pronuntiandis sententiis, falli nesciam?

DECLARATIO.

II. **P**ari obedientia, & veneratione recipiunt Decretum SS^{mi} Dⁿⁱ Nostri Innocentii XII. die 28. Januarii 1694. in Formularii negotio editum, uti & Breve die 6. Februarii ejusdem anni, & alterum die 24. Novembris 1696. ad Episcopos Belgii missa, qua ad extinguenda jam pridem excitata inter Theologos dissidia, sapientissimè Sua Sanctitas scripsit, & singulari cura observari voluit.

Quæritur: Utrum in dictis Brevibus, ac præsertim postremo, non asserat Pontifex, se Constitutioni & Formulario Alexandrinis firmiter inherere

hærerere; nec passurum ut aliquid addatur aut dematur a Formulario, illud quovis modo alterando in aliqua minima ejus parte? Secundo quaritur: Utrum & Constitutio illa, & Formularium, in sensu obvio, non contineant disertissimam assertionem memorati Facti litigiosi? & si contineant, nec tamen Factum revera subit; exoritur questio: Quo pacto juratores Formularii a judicio temerario, mendacio, falso testimonio, aut perjurio se expediant.

DECLARATIO.

III. *SI quando ad jurandum Formularium Alexandri VII. eos adi-
gi contingat, jurabunt illud juxta modum & normam Brevi-
bus istis præscriptam, nimirum sincerè, absque ulla distinctione, restri-
ctione, seu expositione, damnando quinque propositiones ex libro Jan-
senii excerptas, in sensu obvio quem ipsamet propositionum verba præ
se ferunt, prout sensum illum damnarunt Summi Pontifices, damnatum-
que haberi voluerunt à Christi fidelibus.*

QUARITUR quomodo *sincerè, absque ulla distinctione, restrictione, seu
expositione*, damnari possint Propositiones tamquam *excerptæ ex libro
Jansenii*, si ex libro excerptas non fuisse evidenti experientia & sen-
su constet? Excerpti certè non potest quod non inest: porro in genuino li-
bro Jansenii, typis Zegerianis Lovanii edito, non extare Propositiones i-
stas quilibet non cæcus videre poterit. Si ergo, salutate illa nequidquam
obstante, fas sit Formularium, absque ulla restrictione seu expositione,
adjecto quoque juramento recipere; quam ingens campus aperiat re-
strictionum mentalium patronis, & humanæ societatis perturbatoribus,
quavis intemerati judicii clare perspicit.

Quæritur secundo: Quis sit ille prætextus intellectus obvius, quem
Pontifices damnatum haberi voluerunt à Christi fidelibus? quantis enim sit
ille tenebris involutus, nemine hactenus dissipandæ caligini admovente fa-
cem, jam recentior adhuc *documentis irrefragabilibus commonstratum est.
Nec est, quod Orator fortasse, cum quodam Historiographo, sensum il-
lum obviu indigitare, tamquam Brevi Innocentiano adversaturus, re-
fugiat: quia non vetuit Pontifex delineari sensum illum quem vocat *ob-
vium*; sed † *silentium imposuit super interpretatione propositionum in alios
sensus, præter eum quem ipsa verba per se exhibent.* At hic ultimus non mo-
do non contra imperium, sed potius è voluntate Pontificis, hælitanti uti-
liter elucidatur: ut nimirum fidelis ille bonus elucidatione ista resciat
quid Pontifex damnet. Neque iterum contra hæc reponi debet Innocen-
tium

* *Apologie de l'Université de Louvain, Janseniana.*

† *in Brevis de 6. Febr. 1694.*

tium expresse edicere: quod ad *summum Pontificem* dumtaxat pertineat, *sensum quem in his propositionibus damnaverit*, & ut *damnatum a Fidelibus credi censuerit, declarare*: quia intelligendus est hanc declarationem protulisse, cum illum sensum definiit esse *eum quem verba ipsa per se exhibent*. Hic porro solus sensus à caligantibus nobis quæritur: non enim putamus, has voces, *quem verba ipsa per se exhibent*, materialiter debere sumi, ut sint sine mente soni, & *vacuum sensus* *fruitans per inania murmur*.

DECLARATIO.

IV. **I**N materia de *Auxiliis*, proficiuntur cum *Schola Sanctorum Augustini & Thoma*, 1. *Gratiam Christi per se efficacem, in hoc statu naturæ lapsæ ad singulos actus pios esse necessariam*. 2. *Prædestinationem electorum, tam ad gloriam, quam ad gratiam esse ante prævisam merita, prorsusque gratuitam*. 3. *In conciliatione ejusdem gratiæ cum libero arbitrio sentiunt cum prædicta Schola aliisque Theologis gratiæ per se efficacis ac prædestinationis gratuitæ defensoribus*. Unde ultro & in eodem cum *Goneto, Contensonio, aliisque Thomistis sensu, admittunt quinque Articulos Discipulorum Sancti Augustini, primum Alexandro VII. ac deinde Alexandro VIII. Summis Pontificibus exhibitos, in quibus ejusmodi doctrina, juxta ejusdem Scholæ eorundemque Theologorum placita, clare ac dilucide explicatur*.

QUæritur, cur in materia de auxiliis scholæ Augustinianæ per Oratorem adjungatur Thomistica: cum hæc, præsertim ut nunc se habet, ab illa tum in primis doctrinæ balibus, tum in modo locutionis, toto caelo marique dissideat? Compertum quippe est, efficaciam gratiæ in Thomistica schola arcessi à *prædeterminatione physica*: quæ tantum abest ut ad auxilium illud medicinale, quod Christus attulit & post Paulum Augustinus prædicat, pertinere quomodocumque possit, ut ne quidem ullius gratiæ titulo ornari, si rem penitus inspicis, videatur digna. Quod enim ex indivulsa dependentia creaturæ a Creatore, & motuum illius a primo efficiente motore profluit (sicut idem ipsum etiam vox *prædeterminationis physica* rite exprimit) non est gratia sed natura.

Quare & consequenter schola eadem contra Augustinianam contendit 1. gratiam per se efficacem non tantum ad singulos actus pios esse necessariam in hoc statu naturæ lapsæ, sed etiam fuisse necessariam in statu naturæ integræ. 2. Non tantum prædestinationem electorum tam ad gloriam quam ad gratiam esse ante prævisam merita, sed etiam reproborum re-

lictionem.

litionem ante prævifa factam demerita : seu absque intuitu peccati originalis in hominibus, aut voluntarii peccati in Angelis : quibus profectò documentis schola ista universum systema gratiæ Anguttinianæ (quod in libro *de correptione & gratia* cap. 10. 11. 12. explicatum habes) radicatus & à fundo subruit. 3. In conciliatione etiam ejusdem gratiæ cum libero arbitrio utrasque scholas illas magnis parafangis disparatas esse, dum opus fuerit, oratione fusiori & perspicua evictum dabimus. De *modo locutionis* dicemus ad sequentes Articulos.

DECLARATIO.

E *Andem Patrum Dominicanorum doctrinam quatuor hisce articulis a R^{mo} Patre Thyrso Gonzales Societatis Jesu Generali expressam :*

1. Patres Dominicani gratiam efficacem ponunt in prædeterminatione physica essentialiter connexa cum consensu.

2. Dicti patres expresse asserunt cum gratia componi, quod voluntas maneat libera libertate indifferentiæ ad oppositum.

3. Dicunt quoque voluntatem simul cum prædeterminatione ad actum salutarem habere potentiam proximam ad oppositum.

4. Si ex sua gratia physice prædeterminante judicarent sequi everfionem libertatis indifferentiæ, eam omnino negarent.

Hanc, inquam, doctrinam sanam & Catholicam, juxta Thomistarum sensum, agnoscunt, prout eandem sanam & Catholicam proficitur R^{mo} Pater Thyrsus tom. 4. select. disp. pag. 304. disp. 11. de Statu nature pure §. 69.

D *octrina sana & Catholica est, quam Scriptura, aut Traditio Ecclesiæ, consentiente sanctorum Patrum per tempora & per loca suffragio, ad nos detulit. Hoc est enim verè proprièque catholicum, quod & vis nominis ratioque declarat, quæ omnia fere universaliter comprehendit. Rogamus ergo nobis commonstrari Scripturam, aut unanimem Traditionem istam : ut & nos articulos, alioqui rejciculos admodum, in honore ac pretio habere possimus.*

Ad primum quidem articulum, pro brevittis hic propositæ instituto, jam satis diximus.

Ad secundum censemus, nihil verè ac propriè indifferens, juxta Latinæ Lingux phrasim, & communem hominum sensum prædicari debere, nisi quod non magis in hanc quam illam partem propendet : seu in quodam quasi æquilibrio ad bonum malumve fluctuat. Porro talem sub gratia efficiente libertatem indifferentiæ ad oppositum manere, SS. Patribus, qui de gratiæ inimicis applaudente ac vincente Ecclesia triumphaverunt, igno-
tum

tum non modò atque insolens est, sed cum eorum sententiis de gratia & arbitrio liberò directè pugnant. Avemus ergo ab Oratore cognoscere, cui bono serviat, gratiæ per se efficaci & insuperabiliter agentis ac determinantis dogma internè suscipere, & externè cum ejusdem gratiæ adversariis velle loqui? *va*, inquit Sapiens, *ingredienti terram*, hoc est Ecclesiam, *duabus viis*. Profectò in hac materia eam laudem Jesuitis debemus, quod errores suos candide & aperte enuntiant; miserabiles verò isti Dominicani (absit enim ut tales ineptias omnibus probari existimem) cum sua gratia sufficiente, quæ non sufficit; potentia proxima, quæ immenso intervallo abest; indifferentia, quæ ad actum invincibiliter determinata est; doctrinam Ecclesiæ cimмериis condunt tenebris; receptum loquendi commercium seditione vexant, Concionatoribus fallendi, & populis errandi ostium evidens magnumque aperiunt, & omnia sus deque vertunt. Indifferentia enim moliniana (si summos imos, doctos indoctos, nobiles ignobiles, iuvenes ac senes interroges) sola vera, propria, ac germana indifferentia est; Thomistica autem ista, non nisi indifferentiæ umbra quædam imaginaria & mærus fucus. Quare magnopere ambigo, utri ex his, ætate sanctorum pro gratia dimicantium Patrum, an Jesuitæ de doctrina mala, an Dominicani illi de tali quali doctrina & locutione pessima, pænas dedissent severiores. Scriptum sane est in Evangelio de duobus servis: *Servus qui cognovit voluntatem Domini sui, & non fecit secundum voluntatem ejus, vapulabit multis: qui autem non cognovit, & fecit, digna plagis, vapulabit paucis.*

Ad tertium arbitramur, multo sensatius locuturos Patres illos, si non tantum inficiarentur voluntatem simul cum prædeterminatione ad actum salutarem habere potentiam proximam ad oppositum; sed liquidò assererent, habere ad oppositum impotentiam seu imbecillitatem proximam: tunc enim loquerentur, sicut usus homines, mentem sanam in corpore etiam non sano habentes, per omnem terræ ambitum loqui docuit. Nec retorqueri debet, gratiam solummodo ad actum dari: quasi ipsa potentia per gratiam liberanda, sananda, roboranda non esset, sed ad agendum unicè propellenda: sunt enim hæc iterum paradoxa, tum Augustino & ejus asseclis, tum Ecclesiæ Canonibus è diametro adversantia.

Ad quartum dicimus: Judicent illi, suam gratiam physicè prædeterminantem cum indifferentia constare, non judicent; negent, aiant; vigilent, dormiant; nullam nobis istorum fore curationem: nec tamen ullum de hac re nos extimere periculum, ne propterea à doctrina sana & catholica discedamus.

Non

Non me contineo, quin pro insultis illis articulis hic alios verè sanos adjungam, quos idem Orator, cum Clarissimis Theologis Academicæ Lovanienfis, Archiepiscopo Mechlinienti Alphonso de Berges pridem obulit in Indiculo doctrinæ, inter Patres Societatis ac ejusdem Universitatis Doctores, potissimum controversæ. *De libertate* itaque ibidem inter cetera hoc pacto traditur.

I. *Libertatem cum Sancto Augustino & Veteribus in eo constitimus: quod voluntas ex advertentia rationis semetipsam determinet ad agendum.*

II. *Ac proinde, quo major est advertentia rationis, majorque voluntatis semet ipsam moventis determinatio; eo major erit libertas.*

III. *Ergo ubi Deus magis illuminat, magisque voluntatem movet ut se determinet, major est libertas; maxima proinde est in beatis.*

IV. *Admittimus equidem, relinqui in viatoribus cum gratia per se efficaci potestatem ad oppositum: non tamen potestatem, ut cum gratia efficaci componatur oppositum.*

V. *Admittimus insuper, quod in hoc statu simus liberi non solum à coactione, sed etiam à necessitate: quin etiam, quod ubi major est gratia, ibi perfectior sit libertas à necessitate.*

Nihil habeo quod apponam: professio magnifica est, & celebratissimæ nuper Universitatis existimationi ac præconio plane consona. Sic utique instituendi sunt Sacræ Theologicæ scientiæ candidati, procul ablegatis superioribus stultis & sine disciplina articulis: qui ad nihil omnino utiles sunt nisi ad generandas lites interminabiles, atque subversionem jam quidem audientium, sed cum tempore & docentium.

DECLARATIO.

IN materia de Penitentia sequuntur sensum, doctrinam, & Instructiones S. Caroli Borromæi ad Confessarios, quas instructiones S^m Dominus Noster Innocentius XII. non ita pridem typis in Urbe mandari per Emin^{issim} Cardinalem Carpegna Sua Sanctitatis Vicarium, & Confessariis omnibus impense commendari præcepit.

His consonam censent doctrinam, quam tradit. Emin^{issim} Cardinalis de Aguirre pia mem. in suis Dissertationibus 8. & 10. in Concilia Hispania, separatim editis in Belgio, summaque cum approbatione ubique receptis. Unde cum illo inhærentes, ut ipse loquitur, non modo Conciliis, Canonibus, & Patribus, non solum gravissimis Cardinalibus, Episcopis, & Theologis horum temporum, sed etiam rationi manifestæ, fundatæ in doctrina fidei & experimento frequenti, dicunt, maxime oportere, ut gravium peccatorum rei, præsertim relapsi, antequam confiteantur, vel

ut

ut minimum, antequam absolvantur, præmittant aliquanto tempore, juxta numerum & gravitatem scelerum, fructus dignos veræ pœnitentiæ interioris exteriorisque, licet longe breviores quam peccatis eorum respondere juxta Canones Sacros Licet enim Deus potestate absoluta, aut providentia singulari, vel miseratione magna possit hominem gravium scelerum reum subito ad ingentem contritionem movere efficaciter, & perfecte ad se convertere, nihilominus juxta cursum ordinarium ea insignia & præstantissima dona non largitur subito, sed gradatim, ac media impetratione facta per opera pœnalia.

Tandem, quod Sacramentorum administrationem attinet, illa, ut jubet Breve Apostolicum datum 24. Novembris 1696. donec aliquid specialius à S. Sede Apostolica decernatur, juxta sanctiones Canonicas, Statuta Conciliorum, & praxim Ecclesiæ administrabunt, habita casuum, atque eorum circumstantiarum ratione.

Si cui interim alia doctrina vel praxis ea in re magis placeat, observabunt circa illum, quod & circa se observari postulant, Decretum Innocentii XI. qui in virtute sanctæ obedientiæ præcipit, ut ab injuriosis contentionibus Doctores Scholastici, aut alii quicumque inpolterum se abstineant; & ut paci & charitati consulatur, tam in libris imprimendis ac manuscriptis, quam in Thesibus, disputationibus, ac prædicationibus caveant ab omni Censura & nota; nec non a quibuscunque conviciis contra eas propositiones, quæ adhuc inter Catholicos hinc inde controversantur, donec à Sancta Sede recognita super iisdem propositionibus judicium proferatur.

6. Sigillum Confessionis inviolabile esse credunt, ac semper crediderunt: ita ut nec verbo, nec signo, nec alio quovis modo liceat Confessario prodere peccatorem.

Nec admittunt licitum esse prodere peccatoris Complicem, siue hic juste siue injuste in Confessione revelatus fuerit.

Scientia quoque ex Confessione acquisita minime utendum putant, quando ea uti vetant nonnulla incommoda: qualia esse possunt indirecta peccatoris vel Confessionis revelatio, vel revelationis periculum, Pœnitentis gravamen, periculum ne Sacramentum fiat odiosum.

Similiter neque a Confessario peccati complex inquirendus est, neque ab ipso Pœnitente revelandus, nisi in casibus, quos passim Theologi excipiunt.

IN his non dissentimus ab Oratore; nec ideo, jam forte lassum, quæstionibus pluribus, quas proculdubio alterius generis adversarii circa hunc Paragraphum satis superque ingerent, fatigabimus. 6. Po-

DECLARATIO.

7. **P**ostremo palam profitentur se omni, qua par est, veneratione, ac obedientia recipere quidquid hactenus a Sede Apostolica in pradiſtis materiis decifum est; proindeque rejicere se omnem in rebus moralibus laxitatem, rigorem, novitatem, juxta decreta a Sede Apostolica hiſce de rebus jam edita: & ſi qua deinceps edentur, pari veneratione, atque obedientia ea ſe recepturos pollicentur.

Nec in his diſcordes ſumus; niſi quod obedientiæ illius pomœria accurato circino, ſecundum antedicta, exoptemus delineari.

DECLARATIO.

HAc autem Declaratione coram Sancta Sede exhibita, confiſunt eidem ſatiſfactum eſſe: ideoque juxta Breve Apoſtolicum datum 6. Februarii 1694. ſub humili correptione putant:

1. Neminem e Belgis Theologis, qui huic Declarationi ſubſcripſerit, poſſe deinceps vaga illa accuſatione & invidioſo nomine Janſeniſmi, Rigoriſmi, novitatis, aut alio ſimili traduci, aut nuncupari; niſi prius ſuſpectum eſſe legitime conſiteris, aliquam è quinque Propoſitionibus Janſenianiſ, aut aliam a Sede Apoſtolica de rigore, novitate, vel aliter condemnatam, tenuiſſe aut docuiſſe.

2. Neminem ſimili prætectu repelli poſſe ab officiis, muniis, beneficiis, gradibus, aut Concionibus habendis, vel alia quacunque functione Eccleſiaſtica, niſi ſervato juris ordine, eam pœnam, qua viris alioquin Catholicis graviffima eſt, commeruiſſe probatum fuerit.

3. Si qui hactenus ſimili prætectu, non ſervato Juris ordine, repulſus fuerit; eum deinceps hac Declaratione facta, admitti debere.

Demum pradiſti Belga Theologi doctrina in hac Declaratione contenta, quam Sacris Litteris, Traditioni, & Eccleſia ſenſui plane conſonam eſſe credunt, pergent inſiſtere, donec errare ſe per Sedem Apoſtolicam edoſti fuerint: Cui propterea humillime ſupplicant, ut ſi qua in re a veritate aberrant, eos tanquam obedientia filios, Matrem ac Magiſtram Eccleſiarum omnium audire ejuſque judicio ſeſe ſubjicere paratiſſimos, corrigere, ac docere non graveiur.

CRedimus ſuſpenſam hærrere exſpectationem publicam, ut ab Oratore audiatur, quid eloquii ſuper his retulerit ab Apoſtolica Sede: ut ita detur cognoscere, quanto Declaratio tam gravis & tam pretioſa vel deſpectu rejecta vel applauſu a Pontifice honorata ſit.

F I N I S.